

УДАРНИК

22 август
1934 арын
№ 42 (129)

П.-Пурга ВКП(б) райкомлэн, райисполкомлэн но райпрофсоветлэн
М-Пурга —) ОРГАНЗЫ (— Удмурт Области

Ю октон-калтонлэн, кизёнлэн, ю-тысь но етйн кидыс сётонлэн мынэмзы сярись

Парти Обком бюролэн 19 августэ 1934 арын пунктэмэз

1. Ю октон-калтон, кизён, ю-тысь но етйн кидыс сётон быдэсак обласын ляб мынэ. 15 августозь тысь юс 52,4, етйн 74,5, бобовой но кевыр лэсьтон культураос 5,9 процентлы октэмын-калтэмын, сизылы кизён 50,5 процентлы, сортовой кидысэз воштон — 46 процентлы, кабанэ тырон но кутсаськон — 9,5 процентлы, етйн тышкан — 7 процентлы, етйн вёлдон — 4,1 процентлы, ю-тысь сётон — 5 процентлы, етйн кидыс сётон — 4 процентлы быдэстэмын.

2. Гужем но сизылы уж'ёсыз тужгес ик Яр, Юкаменск, Глаз но Салта район'ёс ляб быдэсто. Яр районлэн быдэсак вань уж'ёс'я тужгес бере кылемез понна, парти райкомлэн секретарезлы Марков эшлы, райисполкомлэн председателезлы Быстрых эшлы чурыт кыл ялано. Юкаменск районлэн етйн октон-калтон но етйн кидысэз сётон ласянь бере кылемез понна, Обком бюро Юкаменск райкомлэн бюрозлы на вид пунктэ.

Яр но Юкаменск район'ёслэсь кивалтонзэс тазы тодытоно: матысь нунал'ёсын основной сельскохозяй ственной уж'ёсыз йылпум'ян быдэстэмын өз лу ке, Обком талэсь чурыт ужрад'ёс кутано луоз.

3. Обзэз но сельхозснаботделэз гужем но сизылы уж'ёсыз быдэстыны нимаз район'ёс'я берпум дыр'ёс тупатыны косоно.

4. Куазь зоро луон шёдскемен валче, парти райком'ёсыз кык купыь нунал-вылти юзз кабанэ тыронэз но зег кутсанэз йылпум'яны, кутсаськон сарайёсы куинь, вить нунал кутсаны тырмымон запас ю но етйн дасявэз быдэстэмын косоно.

5. Парти Обком райком'ёсыз одиг но жегатскыгэк куд ог колхоз'ёсысь семьян-семьян кылдыгэм звеноосыз мейак быдтыны но соосыз производственной принцип'я вильдыны косэ. Татын машинаосыз ваньзе уже кутон шоре, ваньмем машинаосыз бере кылись колхоз'ёслы дунэн сёт'ян шоре нимаз саклык вис'ян кулэ.

6. Сельско-хозяйственной уж'ёслэсь планзэс куашкатонлэн основной мугез колхоз'ёсын кивалтонэз, уката ик ужез рад'ян, учот пунктон, производственной дисциплинаэз жу-тон ласянь кивалтонэз лябытэм луа шуса Обком лэд'я. Соин ик, шоретй ужпум — чукна вань колхозник'ёсын бусыз чош потон но ужысь чош — со полын ик домохо-

зайкаосын чош бертовэз быдэстон луэ.

Котькуд колхозниклэсь ужамзэ вис карытэк эскерон тупатано, солэсь ужан нормаосыз быдэс'ямзэ но кёня трудодень ужамзэ, трудовой книжкаос но лицевой сёт'ёс вамен эскерылоно, ужатэк улйсьёс но трудодень ожит поттысь колхозник'ёслэн собраниосазы нимаз пуктылоно.

7. Колхозник'ёслы аванс сёт'явэз котькуд колхозниклэн ужам трудоденьёсыз'я гинэ ортчытоно.

8. Уполкомзаг СНКэз Перевозчиков эшэз нянь сётон планэз быдэстон графикез вильмысь тупатыны косоно. Та виль график'я нянь басытон материальной базаослэсь даслыкэс эскероно.

Ижзаводлэсь директорзэ Максимов эшэз но Уползаг СНК Перевозчиков эшэз Ува станция нянь басытонлэсь но нявэз отысь нуонлэсь состоянизэс эскерыны косоно. Интысьсен ик кулэ ужрад'ёс кутано.

Березин эшэз Ува станция 2 весытны косоно.

9. Обзулы но райорганизациослы кизем етйнзы ванё вань колхоз'ёсы котькудаз бригадаэз етйнэз переработать каронэз быдэстытозьлы вань етйн уж'ёсыз нуны звеноос вис'яно. Нуналлы тупатэм нормаосыз быдэстэм понна октон-калтон, жу-тон, куастон, састон, шуккон но етйнэз вортон уж'ёсын 2 трудодень лэд'явэз быдэс'яно.

Сыче колхоз'ёсын, кытын ке уж'ёсазы напряжени вань ке, 23 август азелы "Эдди" льномолотилкаосыз дасяно.

Вотинцев эшэз „Пятилетие УАО„ но Уром совхоз'ёслы ю-нявэз октыны-калтыны но кутсаны юртэт организовать карыны косоно.

Парти Обком, парти райком'ёсыз обласмылэсь сельско-хозяйственной уж'ёсыз йылпум'янен бере кылэнэз быдтонэ колхозник'ёсыз но нимазы ужаса улйсьёсыз моблизовать карыны косэ, Октон-калтонэз, кутсанэз но 1934 арлэсь умой урожайзэ переработать каронэз жоген йлпум'ян понна, нянь сётонэз, натурплата тыронэз но етйн ваньбур дасявэз дырылэсь азьло быдэстон понна колхоз'ёс колхозник'ёс но нимазы улйсьёс полын социализмо чошатсконэз массовой вёлмытон организовать карон.

Парти Обкомлэн секретарез
Акопян.

Тазы кивалтыны уг яра

„Сталино“ колхоз торо Ватаков Филипп но счетовод Зямаев Григорий ю октон-калтонэн ляб кивалто. Ужазы 7 8 часа чузна лыкто соин

йырин колхозник'ёслэсь уже потэмзэс уг эскеро. Колхозник'ёс куд дыр'я быдэс час соосыз возмаса кантонан пукыло.

Социализмо чошатсконын Иж районэн показатель'ёс
(20 август азелы)

Иж район	аран	—57,7 проц.	ю тысь тырон	—57 проц.	кизён 87,8 пр.
П-Пурга район	„	—67,3 проц.	„	—26,1 проц.	„ 95,1 проц.

Ю-нянь октон калтонысь тырмым- тэ интыоссэ быдтоно

17тй августэ районамы ОК ВКП(б) бюролан членэз Максимов В. А. ветлыз.

Район центрын ю-нянь октон — калтонлэн, государственлы нянь сётонэн, сизылы кизён но мукет уж'ёсын тодматкыса, Максимов эш Райком ВКП(б)лэн секретареныз Смирнов эшен Гожня но Ильинск сельсовет гурт'ёстй но колхоз'ёстй ветлызы.

Ильинск сельсоветын Максимов эш ю октон — калтонэн, государственлы нянь сётонэн, сизылы кизёнэн сельсовет ласянь конкретно но оперативно кивалтон өвөлэз пус'из.

Сельсовет торо Плакунов эш, Максимов эшен вераськонын, сельсовет ласянь юрттымтээ, колхоз'ёслэсь но гурт'ёслэсь хозполит кампаниосыз быдэс'ямзэс кыче колхозын но гурт'ёсын уж'ёслэн мынэмзы сярись тодымтээ возматыз.

Со трос Максимов эшлэн куан'ёсызлы веран өз сёты.

Уг тоды кёня октэмын — калтэмын ю-нянь, государственлы кёня сётэмын но кёня зег киземын. Сельсоветлэн ужаз плантэк ужан, быдэстэмэз эскерон но мукет'ёсыз вань на.

Ю октон калтонын но, государственлы нянь сётонын, колхоз'ёсын но гурт'ёсын, ужась кужым урод люкылэмын. Колхоз'ёсын гурт'ёсын бадэымез тырмымтэ интыос сярись Максимов эш пусылыз.

Та дырозь колхоз'ёс но гурт'ёс зоро дыр'ёсын ужаны өз тупатскө. Культоос кутсаськон сарай дор'ёсы нуллымтэ, соин ик зоро дыр'ёсы кутсаськыны уг луы.

„Красная Звезда“ (А-Урдэс) колхозын Максимов эш пинал үтён яслиез но площадказэ учкиз, отысь тырос тырмымтэ интыосыз шарааз. Нылпи үтён яслиын но площадказин: сьод, одиг чушконэн олокёня пинал'ёс чушко.

Пинал'ёс пож ведраосыз вуэн мисьтасько, нош кудыз отысь ик юно. Яслиын но площадказин туж тырос кут нош сион юон'ёс уг чоктасько.

Корка пуч пичи, нд зын.

Умойлыкэз эскеронын бадэым ответствен- ность

У-юри сельсовет ю октон-калтонлэсь умойлыкэз эскеронын ответственосыз уг шэды.

Та нунал'ёсы сельсовет зег октам калтэмлэсь умойлыкэз эскерыса приемка „Друг Труда“ но „1-Май“, „Большевик“ колхоз'ёсын ортчытыз. Озы но 1 кв. метре 16-17 шеп кылемын. Кабан люкан дорись но шеп бичамтэ, суслон бервылэ 45-50 шеп кылемын. Та умойтэм ужез сельсоветлы али ик шонертоно.

Ис хэзник.

Тужгес ик паймоно кадь пинал, ёсыз пересёслэн сям'ёсынызы дышетэмзы.

Яслиын пинал'ёс биньылдыса кылдэ азьло вуж Египетсы Саркафонский мумий кадесь. Пинал'ёс асьсэлы асьсэс сётэмын. Врач'ёс яслиэ но площадкаэ чик уг ветлыло висысьёс но висымтэос огазын уло. Сион пинал'ёслэн урод. Колхозын тырмыт йёл вань ке но, 7 муртлы одиг литр гинэ сётго, кёй нош чик өвёл.

Колхоз правленилы ясли но площадка сярись малпаськоно вал.

Максимов эш таке урод ужёсыз одиг нунал кустын быдтыны косыз.

Ог'я районын Максимов эш пус'из: кизёнын кылеммес, тужгес ик нимазы улйсьёс полын. Ю нянь октон-калтонын но нянь сётонын колхозёсын но гурт'ёсын уж урод организовать каремын, чошатскон но ударничество вёлдэмын өвёл.

Бусыосын валэктон уж ляб мынэ. Озы ик Райком ВКП(б)лэн уполномоченнойосыз интыосын ляб ужало.

Колхоз'ёсын, бригадаосын борд газет'ёс тырмымтэ интыосыз умой уг гож'яло. Кулак'ёс государственлы нянь сётонын ляб кыскемын.

Уром совхозысь ю октон-калтонлэн мынэмзэ йылпум'яса Максимов эш, директор Поздеев ласянь ю октон-калтонэн но государственлы нянь сётонэн ляб кивалтэмзэ пус'из. Ю октон-калтон совхозын кышкыт дыре вуэмьн. Ужась кужымез умой планировать карымтээн скорс центнерен нянь бырон кышкыт дыре вуэмьн. Максимов эш ю октон-калтонлэсь умойлыкэс копак уродэн пус'из. 1 кв. метрын 34 шеп шедьтэмын.

Райком ВКП(б) но райисполком Максимов эшлэн валэктэмез'я пус'ем тырмымтэ интыосыз быдтон выльсь конкретной ужрад'ёс кутызы. 19 августэ сельсовет тороосын райком ВКП(б)лэн уполномоченнойосын но партточкаослэн кивалтйсьёсывызы совещани ортчытызы. Вань кулэ уж'ёсы кужым пуктылэмын.

Азътэм счетовод

„Красный яр“ колхозысь (Ильинск сельсовет) счетовод Константинов Павел колхоз уж лядявэз куашкаты.

Та дырозь колхозник'ёс кёня трудодень гужем ужын ужамзэс уг тодо.

„Мар со мында гинэ трудоденен мон ужалом“ шуэ. 10ти Августэ Константинов лумбыт ужатэк вина юкса улйз.

Правленилы та ужез эскерыса Константиновез али ик колхозысь улдыно.

Колхозник'ёс

Кулак'ёсыз но саботажник'ёсыз зол шукконо

Государстволы нянь сётонан бы- саса нуэ" шуэ сельсоветысь лык- дас районны бере кылем арта ик накытчы ярантэм урод уж госу- дарстволы нянь сётон кулак'ёсын но зажиточнойосын мынэ. Государство лы нянь сётон план 20 тй август азе кулак'ёс 0,5% гивэ быдэстйзы Та дырозь кулак'ёс вылэ нажим лэстымын бвёл на. Кулак'ёсын но саботажник'ёсын нюр'яськонэз люб- бытэмын. Районамы тырос нянь ватылон уж'ёс вань.

Пытцам сельсоветысь, Косоево гуртысь, ажиточной Михайлов Аф- насий жыныээ ю няньээ ватыны вуэм. Государстволы нянь сётэмысь палэн- скыз „Маи мынам вань ваньээ кут

тэм мурт'ёслы

Гожнялан куинь нянь ватыны дасям гу шараамын.

Шор—кечол сельсоветысь Вылй- кечёл гуртысь, нимаз улйсь Романов Николай виль няньээ 2 центнер ва- тыны вуттэм.

Таёе уж'ёс ожмос сельсоветын но вань.

Тырос нимазы улйсьёс государ- стволы нянь сётныны палэнско. Ку- лак'ёслы но саботажник'ёслы но кычэ эрик та ужын бвёл сётон. Следстви орган'ёслы, али ик таёе уж'ёсыз чигтыса куштыны кулэ. К.

Государствооз алдам понна чурит ответственность улэ

Шор-юри гуртысь сельсовет член Семенов государстволы умой нянь сётон понна нюр'яськем интыэ, ачиз государствооз алданы кутскем.

1 5 августа, Агрыз заготзернолэн базааз куинь мешок зег ванз. Умой- лыксэ эскерыку зегаз клещев- наос куиньметй степеня шараамын.

Заготзернолэн приемщикез зегэе өз приминатьты нош Семенов уасёэн кузьым сётныны бд'я вал. Семенов

вылэ отын ик материал пунктэмын вал. Следствие солэн нянез ваемез лэсь азыло гивэ гуись поттэмын шу- са шарааз.

Калык суд та ужез эскерыса Се- меновез 5 арлы кужмын ужатыны но солэсь 1000 манет тыр вань бу- рээ государствооз бастыны пунктйз.

Семеновлэн ужез государствооз алданы туртгйсьёслы кышкыт ужез луыны кулэ. И.

„Азино“ колхоз государстволы, нянь сётонэ өз пырыськына

„Азино“ колхоз нырись кутсам няньээ государствозы сётон интые, кутсам няньээ изыса колхозник'ёслы едок'я люкылз.

Колхозлэн куинь кутсаськон ма- шинаез, нош тунэ нуналлы одйгез

гивэ вуттэмын.

Нянь нуллон уробоёс дасесь бвёл. Нош мешкотар'ёс но уг окмо.

„Азино“ колхозлэн государстволы тушмон'яськыса ужлыксылы пезьдэт али ик сётон. С—Д.

1100 пуд нянь. 1800 манет доход колхоз сем'ялы

Москва (Роста). „Красная-Пре- сная“ колхоз нырисьё округыч (Сред- не-Волжской край) колхозник'ёслы виль нянез авансировать карыны кутскиз.

Нырисьёе аванс бастйз Мартя- новлэн бригадааз. Та бригада туж умой тулыс кызёнез, урисконез, турнанэз, зег октон калтонэз ор- чытыз.

Умой ударниклэн Рамзаевлэн сем'яз 900 трудодень ужаса 1100 пуд нянь но 1800 манет уксе ба- сьтыз. Таёе виль нянь но ужам дун колхозник'ёс нырисьё бастйзы.

Совето Союзын Умой станция СКЖД.

МОСКВА (РОСТА). Северо-Кав- казской чугун сюреслэн жюриэз ста- нциослэсь 4 толэзь чошаткыса ужа- мээс йылпум'яз.

Чошатскон тырос станциосын уж- ез умоятйз.

Умой станциэн лйд'ямын Грозный. Со кылем арын сярысь наливээ тыро- слы будэтйз, ниль толэзь куспын ос- новной измерительёс быдэсамын.

Буш цистернаос Грозной стан- циич кулэстэмын кылем ар- лэн кыкетй жыны арыз сярысь 40 процентлы.

Жыны ар'ем наливной планэз ста- нция 102 процент быдэстйз

Селькор'ёслэн гожтэтсы'я Спиридонов ужысьтыз поттэмын

39ти номеро „ударникын“ пот- тэм материал Спиридонов сярысь эскерыса юнатскиз.

Спиридонов ужысьтыз куштэмын но судэ сётэмын.

Трудодень сётымтэ понна „Кави- ли“ колхоз торо вылэ йыр уж кылдытське.

Пошталэн кывалтысез. Николаев.

Дышетскон арлы ми дась

Аксакшур сельсоветысь школаос виль дышетскон арлы дасяськыса вуизы ини. Аксакшур школын: 80 пу кбм. дасямын. Виль ужан корка лэстымын, кенос, бакча емыш утял- тон, пу возен, лапас, кык гид лэст- тэмын, сез'ямын мунчо, мукет уж'ёс но (парта тупат'ян, школа котырз

кенера) быдтэмын. Байситово шко- лаин—80 кбм. пу дасямын, лэсты- мын общежитие, кенос крольчатник, свинарник, йб гу, но пу возён ла- пас. 5 виль парта лэстымын векчи тупат'ян быдэстэмын. Ваньмыз ю октэмын. 2 га зег киземи.

Сельсовет торо—Казанцев

„Азино“ колхозлэн партточкааз кыктэтйзэ чистка ортчытон кулэ

„Азино“ колхозысь коммунист'ёс, Чайкасов но Поварницын чистка бере ужээс тупатэм интыэ, чисткаин колхозник'ёслэсь но безпартийной'ёслэсь урод ужзы сярысь практи- коватьтэмээс урокен чисто өз лйд'ялэ, чистка комиссилэсь валэктэм'ёссэ калык пёлы өз вёлдэ.

Колхоз торо коммунист-Чайкасов, та дырозь өз вошты на' аслэстыз милиция амалэн колхоз ужын кивал- тонээ но тужгес ик колхозник'ёсын герэзськыса улон ласянь со аслаз буш администрирование кивалтэ- меныз палэнтйз ас бордйсьтыз кол- хозник'ёсыз, соосын луонлык бвёл- лозь со чурит, колхозник'ёс дораз лыктыны кышкало, соин йырин со- лэн указ колхозник'ёс бжыт юртто.

Бригадир'ёс кулэ дыр'я, колхоз торо Чайкасовлэсь уг кылзськыко, со- лэн верам'ёсыз уг быдэс'ясько, озы ке но колхозник'ёс но бригадир'ёс пё- лын дисциплинааз юнатон понна нокычэ уж рад'ёс уг кутыл.

Чайкасов ю нянь октон-калтонэ урод дасяськыз. Соин йырин, зегэ октыны 7 нунал тупатэм интыэ, 16 нуналын гивэ быдтйз. Озы ик ки- зё нэз но тупатэм дырызлэсь 5 ну- нал бер кылиз, соин ик валэс ю октонэз но кемалы кыстыськытыз.

Чидантэм лэб ортчытэмын муз'эм ужан машинаосыз тупат'ян, соин ик машинаос ужаны ярантэмез сё- рылйсько, озы бере ужась кужым

но машинаос ужатэк улыло. Кизён- лэн пёсь вакытаз ик, вал'ёсыз урод утялтэмен вал'ёс жуммылыса ужаны ярантэмез луылзы.

Колхозысь счетовод, коммунист — Поварницын, ю октонэ, кизёне, государстволы нянь сётонэ кужмо пырыськем интыэ, ужан интыосын уг луылы, ваньмылэсь ятыр паса- каын пукыса но, пычалэн ветлыса дырээ ортчыг'я.

Уж'ёсыз лйд'яныи Поварицын туж урод ужа. Колхозник'ёс уг тодо, кёня трудодень ужазы инй гужем уж'ёсын но кизёны. Колхозын ужан нормаоссы уг быдэс'ясько, соин йы- рин колхоз валэс ю октон-калтонэн али мур прорывын. Колхоз нырись ик коммунист'ёс: Чайкасов но По- варницын, государстволы нянь сётон сярысь уг дыртыло. Зег сётон план 5 процент гивэ быдэстэмын.

Таёе „Азино“, колхозын ю ок- тон калтонлэн, государстволы нянь сётонлэн, урод мынэмез но мукет хов. полит кампанияослэн быдэстын- тээ коммунист'ёслэн — Чайкасов но Поварницын (колхоз кивалтйсь'ёс) чистка ортчэм бере буйгатскеменызы гивэ луэ.

Соос өз валалэ на, парти ас член'ёссэ уж вылын нуналлы быдэ эс- кере шуыса. „Азино“ колхозлэн парт- точкааз кыктэтйзэ чистка ортчытон кулэ.

Ашихмин.

Кык портрет, кык пример

„Муш“ но „Ударник“ колхоз'ёслэн партточкаосазы чистка ор- чытэм дырысь 2 толэзь луиз ини. Комиссилэн выводаз колхозлэн хозяйствоаз но уж'ёсав коммунист'ёс ласянь кивалтонэз юнатонно шу- са верамын вал, озы ке но „Муш“ но „Ударник“ колхозысь коммунист'ёс таэ уг быдэс'яло.

Партийнойтэм колхозник'ёслэсь вис'яськон та дырозь мынэва.

Усьтэм парти собраниосы пар- тийнойтэм'ёс уг ветлыло. Коммунист'ёс Токарев, Медведев, Бродских но Петухов, бусыны, бригадаосын валэктон уж нуонэз уг быдэс'яло.

4 коммунист'ёс польсь одйгез гивэ производстоын ужа. Ужан ну- налэз уплотнять карон но пайда- лыкез жутон понна нюр'яськон бвёл- лэн „Муш“ но „Ударник“ колхоз'ёс ю октон-калтонэн но государ- стволы нянь сётонэн районьсь му- кет колхоз'ёс сярысь кыдэке кылизы. Зег аран 16тй августэ гивэ быд- тэмын.

Уж'ёслэн умойлыксы кыкав ик колхоз'ёсын уродэсь. „Ударник“ кол- хозлэн буснаэ 1 кв. метре 25 — 27 зег шеп кылылэ. Зег нуллэм бере но шеп бичан кылдытымтэ, суслон интыосы 50 шеп кылылэ.

„Ударник“ колхозын дырыз дыр'я шеп бичан кылдытэмын ой вал, со- бере сельсоветысь умойлыкэз эске- рись комиссия ужээ оз пырты, зег

бусынысь умойтэмез шонертон понна, колхоз правдени, валэс ю октонысь но кутсаськоньсь ужась кужымеэ бастыса основной ужез жегатыса шеп бичаны пунктйз, нош луонлык'ёс кутэмын ой вал, дышеткисьёсын но пересёсьын шеп бичан бригадаос кылдытэмын ой вал.

Зег кизёнез 5 нуналлы бере кы- лыса быдэстйзы. Государстволы нянь сётон ласянь но та колхозысь коммунист'ёс ответственостьтэк ужам- зэс возматйзы. „Муш“ колхоз 16тй августозь государстволы одйг ет. но нянь өз сёт на, нош „Ударник“ колхоз зегез 100 проц. интыэ 11 проц. гивэ быдэстйз.

„Красная-Горька“ колхозысь ком- мунист Ключев эш чистка бере уж бордаз зол кутскиз. Солэн колхозаз валэктон уж ю октон-калтонэз но государстволы нянь сётонэз быдэ- тон вылысь умой пунктэмын.

Ключев ас указ партейнойтэм мурт'ёс борды пыкиськыса ужа.

„Красная-Горька“ зег аранэз но кизёнез дырызлэсь азыло быдэстйз, 15 августэ государстволы нянь сётон 100 проц быдэстйз, ва- лэс ю октон калтон пумаз вуэ ини. Ключев коммунист нимазы улйсьёс по- лын но урод уг нуы ужээ, кутса- ськоньны но ю октон кампанийн уж вылын юрттэ.

„Муш“ но „Ударник“ колхозысь коммунист'ёслы тырослы Ключев эш- лэсь дышетсконо.

Редактор Иванов В. П. Поттйсь—Райисполком